


[www.BibleForChildren.org](http://www.BibleForChildren.org)

# Madiu 26





E iya go kai taiyao asa  
Eparaim kakalave. Moe  
nava maliyalina sikisi  
sikaaiyaka baige  
Basitáwana Aikanina siguinuwe.  
Asayana kakalave kana Betani.  
Amoko goi Lasalo ikaaiyaka, tauyana boi  
tokámasa yaidi goi Yeisu ikaitáoe.



E iya go Meriyana pútuma  
ma bootorina ikabi;  
putumayana moe nadi  
maavadaina goi siwodugu  
go, ana maisa gagaina. Ikabi  
ikavava, Yeisu aena ikatukoisidi.  
Ikavava, isakululu kununa goi aenayadi  
isekukudi. E vada ana madabokina  
putumayana mainina ivakayaodei.



Tuwo Yudasa guma Keriota, tauyana Yeisu ina tayamo yawou aiyuwo yaidi go, tuwo itaoya ina Tonúwala Gagaidi yaidi bego Yeisu inuwotuluye. E Yudasa ina livala sinove, ina tagona manuna siuyáwana be nakae sikatótula ina nuwotuluyana siemaisi. Tuwo amo tutayana goi tuta ana toboine iilusale bei Yeisu inuwotuluye.



Tuwo moitamó kai tovatotówana  
kataoya kana kaguinuwe  
nakae Tauyana bogina  
ilatuwokoima. Ikavava, ama  
Basitáwana Aikanina kakatubayasi.  
Kakatubayasi ikavava, kakaluvila  
kama Tauyana yaina goi.  
E kakakáika go, Yeisu beredi ikabi,  
manuna ikauyagu Yaubada  
yaina. Ikavava,  
ikivisi, kai ina  
tovatotowanayao  
ivinima idigo  
kana, 'Moe  
wowogu nakae.



Kokābi kokāni.' Tuwo kakabi  
kakáika. Ikavava, ma keeigaina  
ikabi, manuna ikauyagu Yaubada  
yaina. Ikavava, keigayana ivinima  
idigo kana, 'Oine moe madabokimi  
konīm. Moe ikaikaigu nakae.


Ikaikaiguyana bei idaudau komi  
manumi be nakae tomota liliudi  
manudi, e bei imi  
goyo adi nuwotao  
kobabane.

Ikaikaiguyana ina  
dau goi Yaubada  
ikanasiukoimi.




Yeisu Pita ilatuwoko idigo kana, 'Saimoni, Saimoni,  
kunōve. Kaleya bogina ikawanoi Yaubada yaina goi  
bego ivakakonemi nakae tobágula neta ina bego  
ikausapisapi. Kaleyayana latuwona igite avatauwa  
yaimi nukotomi iyoi yau manugu. E Kaleyayana kina  
Yaubada bogina itagone. Go yau bogina akawanoi kom  
manum bego im numisa  
goi geya kukapusita.

Ago tutayana  
kwaluvilamna  
kuma yau yaigu,  
e semowo  
kukitogagēdi.'



'Tomoya, bogina apásima neta deri goi sivaesium, yau taiyao o neta sikaumatem, yau taiyao', Pita kaena.

'Pita ame alatuuwokoim kunōve: Ame bei kamkam geya itaiyeta ana kadókana sivato bei kulawoiwoiyekoigu bego geya kuyagoiguta', Yeisu kaena.



E tuwo Yeisu kai ina  
tovatotowanayao taiyao  
kama asa yoina  
Gedesemane goi go,  
maniyema ilatuwokoima,  
idigo kana, 'Ameko  
kotusōbu kokaaiyāka go,  
kai kana dobala, e yau bei  
akawanoi Yaubada yaina.'



Ina kawanoiyana goi idigo kana, ' , Tamagu, kaga liliuna ikakapu yaim. Tauna neta gedageda keigaina ame kukābi kunāve. Go sem yau geya guna nuwonúwana geya, go sem kom im nuwonúwana kuguinūwe.'



E iya go Yudasayana tovayaviya maniyedi ikabidi be nakae Vada Kimaasabaina ana polisi adi tovakumgoyao maniyedi yaidi goi ikabidi. Ikavava, madi rampa, madi dúgala be madi kaipíyama Yudasa ivakededi sima amoko goi.

Ago Yeisu ina tovatotówana tayamo ibala ina Tonúwala Toolagaina ina taiyana kakataina ivakanáupe. Go kina Yeisuyana idigo kana, 'Tuwo! Koyāto!' Ibisibala pakoninayana taiyana ibisikone, ikidedevine.



E bodayadi Yeisu siyoisi, sinave Tonúwala Toolagaina  
ina vada goi. E kina go Pitayana tupwana masigava goi  
Yeisu isabookuliye. E tomota maniyedi  
Tonúwala Tolagainayana  
ina vada ana kali sinaena  
goi yeu sidimili. Ikavava,  
taiyao siitusobu go,  
Pita isiu tomotayadi  
yaidi goi iitusobu.



Tonúwala Toolagaina  
ina pákwana tayamo  
ikaaiyaka; tauyana  
osiyana moe korotoyana  
taiyana boi Pita ivakanáupe.  
Amo tauyana Pita igite idigo  
kana, 'Tánuwo goi Yeisu taiyao  
agitemi ae?' E sivatonina Pita  
ilawoiwoi go, mainao kamkam  
itáiya. Tuwo vadayana ina kali  
goi isowóduwo ina moetala goi  
itáiya gagaina toina.




Tuwo moitamō sinave Pailato yaina  
goi ana kotu manuna. E kina go  
Pailatoyana Yeisu ilumadade idigo  
kana, 'Kom moitamō Diyuu adi  
Tokalibúbuna?' 'Kom bogina  
kudigoyabe', Yeisu  
kaena. E Pailatoyana  
latuwona Yeisu italigei,  
tuwo aiyuwoina tomota  
ilumadademneidi. Go kidi

siiduduwo kadi, 'Kerose goi


kutupatūko! Kerose goi  
kutupatūko!'




E tauna tuta amo goi Pailato itagona  
idi nuwonúwana iguinuwe. Tuwo ina  
tovayaviyayao maniyedi ilovinaedi  
idigo kana, 'Kōna Yeisu kokābi, konāve  
bei kerosse goi kotupatūko.' ina kerosse  
sivini toinina ikavale go, sisowoduwe  
sinave asa tayamo siivayou Bulubulu  
ina Kasa goi. Moe asayana kai Diyuu  
niyama goi moe Gorigota.



Amoko keroſe goi ſitupatuko. Ago  
koroto adi taiyuwo Yeisu taiyao  
nakaſe adi keroſe goi ſitupatukoidi,  
tayamo kakataina, tayamo  
kekelina, e Yeisu  
nauyayanaidi.



Níyala ikamaamaniwana go, ana vabodaupa kaarekoina ikiiseyuwe. Ago Yeisu niyana gagaina goi iduduwo kana, 'Tamagu, balomaigu nimam goi ayato!' E moe ibobore ikavava, yawoina ikasalave.



Iyosepa guma Arimateya ina Pailato yaina. Iyosepayana Diyuu adi kotu ana tolovina tayamo go, maa yoina be nakae tomota siwowoine. Tauyana ina sowóduwo ilootutae.

Ame tauyana mana katepatu ina Pailato yaina

ikawanoi idigo kana,  
'Manakae? Kutagona  
Yeisu wowona akabi  
avaliwoge gea geya?'



Go Iyosepayana areko poowouna  
ime, e mana topaisewayao  
Yeisu wowona kerosé goi  
sikaisobuye, arekoyana  
goi siutube. Siutube  
ikavava, sinave goi  
sisiu siyato.  
Tukubuyana boi  
gurewa sitavi.

E wowonayana siyato  
ikavava, sisowóduwo  
go, gurewa gagaina  
gumogumoina sipuli  
tukubuyana tobuna  
sikaubode.



Amo maliyalinayana moe Basitáwana  
Aikanina ana katubayásina ana  
maliyalina. E vanuwo  
itomo kidi Tonúwala  
Gagaidi be nakae sina  
Pailato taiyao  
situgúguna  
sidigo kadi, . . .



... 'Tomoya, kai kanuwopeye boi  
amo topolayana nava maa  
yawoina idigo kana,  
"Maliyalina aito  
sikavava, e ámasa  
goi Yaubada bei  
ikaitaoegu."



E tuwo moitamó sina tukubuyana  
sivabodebode go, idi  
vabodabodayana ame  
nakae: Mainao gurewa  
tukubu tobuna goi  
giyaina sibwade, e bei  
siyagoi neta tomota  
tayamo ikatupáeve.



Aiyuwaina tukubuyana  
tovayaviya sikaaiyaka  
simatakavatedoko.



E sivadade. Sima go, matabuwona  
nikuniku gagaina itátava. Bogina  
kuyagoi. yábana goi bogina  
isou ina tukubuyana ana  
kauboda gurewa ipuli.  
Ikavava, gurewayana  
yatana goi itulaga,  
ikaaiyaka.



E tukubu ana tomatakavatayao  
sikaaiyaka aneroseyana sigite,  
tuwo simatoita. Idi  
matoitayana pasina  
simalitatátava  
go, matadi siginigini  
isouyedi poyapoya  
goi tokámasa  
nakaē.



E vevinayadi adi taiyuwo sina tukubu  
goi, e aneroseyana ilatuwokoidi  
idigo kana, 'Taabu koomatōita!  
Bogina ayagoi Yeisu  
tupaatukoina koolusale.  
Tauyana ameko geya.  
Moitamo. Yaubada  
ámasa goi bogina  
ikaitáoe nakae boi

Yeisuyana  
idige. Kōma tukubu goi  
kosū ina kaba yata  
kogīte daakakaina.




Tuwo moitamó Yéisu ana kaba yata sigite ikavava, tukubu goi woilidi silokoináoduwo, madi matoita be madi uyáwana gagaina sima kai Yéisu ina tovatotowanayao yaima goi sitalavaita.



Simamaima go, Yeisu  
ivalobodedi kana, 'Yaubada ina  
tuboina yaimi!' E sibala sima  
sivatugúyala aena siyoisidi go,  
yaina goi sisakululu.





Niga Yeisu ina tovatotowanayao yawou tayamo  
sikakáika go, matadi goi Yeisu ivataoduwe.  
Ivataoduwe go, geya idi numisamo pasina be nakae idi  
dabakasa pasina ibowoidi idigo kana, 'Komi manakae!  
Guna taoyamna mlina avataoduwegu sedao yaidi  
namlieta moe sitalavaite yaimi go, geya konumisedita!  
E tuwo tutayana ida Tomoya Yeisu ilatuwokoidi  
ikavava, Yaubada ikabi itukoe inave yábana goi, e  
wowoina basekoina Yaubada kakataina goi itusobu.



Ame moitamo. Yaubada  
imatakoiyeda ame nakae: Natuna  
kaakesaina ikasale bego avatau neta  
inumise, bei geya ikamasete, go  
sem maa yawoina vata.



Roma 3:23 Madabokiida, Diyuu be Totuyoyowo, bogina tagoyo, e Yaubada ana tomoeeyalina tapoikiki bego yaida goi itakanukanunu go, geya itoboinedeta.

Roma 6:23 Moe moitamo. Goyo ana katumapu moe ámasa go, Yaubada ina yabobona iviniibesoida moe yawoida vata ida spwagógana ida Tomoya Yeisu taiyao pasina.

Iberiu 9:27 Kita tomota liliuda ada lovina ikaaiyaka bego sivatayamo bei takámasa namlieta takínona ana tuta.

Epeso 2:8,9 Moitamo. Yaubada ina kanuwóiya goi bogina iyaveda numisa pasina go, yavayana unana moe geya kita toinida ida guinuwa goi geya. Moe Yaubada ina yabobona goi. Geya ida guinuwa goi geya, govila bei tagágasa.



Roma 10:9,10 bego neta sopada goi takatomoyae kina Tomoya be nakae ateda goi tanumisa bego Yaubada tokámasa yaidi goi ikaitáoe, e ada yava bei tababane. Moitamo. Ateda goi tanumisa, tauna kita Yaubada matana goi kiboobosida. E sopada goi Yeisu takatomoyae bego Tauyana Tomoya, e bei ada yava tababane.

Iyoni 3:16,17 Ame moitamo. Yaubada imatakoiyeda ame nakae: Natuna kaakesaina ikasale bego avatau neta inumise, bei geya ikamaseta, go sem maa yawoina vata. Moitamo. Yaubada Natuna ietune ima poyapoya ame goi geya kada bego da poyapoya itakinoida toogoyoida ida goyo pasidi geya, go sem bego Natunayana goi iyaveda.



1 Iyoni 5:11-13 Ina talavaitayana ame nakae: Yaubada yawoida vata bogina ivinida go, yawoida vatayana ida Natuna taiyao pasina tababane. Avatauwa neta Yaubada Natuna taiyao siispwagógana, maa yawoidi vau. Go avatauwa neta Yaubada Natuna taiyao geya sispwagogoneta, e geya yawoidimo. Ame livalayadi bogina aginidi siwo yaimi bego komi Yaubada Natuna ana tonumisayao bei koyagoi bego bogina maa yawoimi vata.



Madiu 26-28; Luke 22-24; Iyoni 13-21

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Gumawana Bible (gvs) © 2019, Wycliffe Bible  
Translators, Inc. All rights reserved.

<https://www.bible.com/bible/3576/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

